

პროგრამული დაფინანსების გაცემის წესი

მუხლი 1. რეგულირების სფერო

1. ეს წესი განსაზღვრავს სსიპ – ბათუმის ხელოვნების სასწავლო უნივერსიტეტში საშემსრულებლო მიმართულებით საბაკალავრო და სამაგისტრო პროგრამებზე ჩარიცხული სტუდენტებისათვის პროგრამული დაფინანსების გაცემის წესს.

2. ეს წესი ვრცელდება ხელოვნების უნივერსიტეტში ჩარიცხულ იმ სტუდენტებზე, რომლებმაც საშემსრულებლო ხელოვნების საგანმანათლებლო პროგრამებზე ჩარიცხვისას ერთიან ეროვნულ გამოცდებამდე გაიარეს შემოქმედებითი ტური/ტურები.

3. წესი შემუშავებულია „უმაღლესი განათლების შესახებ“ საქართველოს კანონის მე-8 მუხლის 1-ლი პუნქტის „ე“- ქვეპუნქტის საფუძველზე.

მუხლი 2. პროგრამული დაფინანსების წყარო და ოდენობა

1. პროგრამულად დაფინანსებული ადგილების განსაზღვრა ხდება ყოველწლიურად საქართველოს კულტურისა და ძეგლთა დაცვის სამინისტროს მიერ უნივერსიტეტისათვის გამოყოფილი სუფსიდიის ფარგლებში.

2. პროგრამულად ფინანსდება:

ა. ბაკალავრიატის თითოეულ საშემსრულებლო საგანმანათლებლო პროგრამაზე (კონცენტრაციაზე) ჩარიცხული სტუდენტების 30%-ი.

ბ. მაგისტრატურის საშემსრულებლო საგანმანათლებლო პროგრამაზე პროგრამული დაფინანსების ოდენობა განისაზღვრება მისაღები კონტიგენტისა და სამაგისტრო პროგრამის რაოდენობის გათვალისწინებით, საქართველოს კულტურისა და ძეგლთა დაცვის სამინისტროს მიერ გამოყოფილი ადგილების ფარგლებში.

3. მუსიკის ფაკულტეტის ბაკალავრიატის/მაგისტრატურის საორკესტრო მიმართულებით ჩარიცხული ყველა სტუდენტი ღებულობს პროგრამულ დაფინანსებას, მათ შორის, აღნიშნული მიმართულებით მობილობის წესით ჩარიცხული სტუდენტი.

მუხლი 3. პროგრამული დაფინანსების მიღების პირობები

1. სპეციალობისათვის გამოყოფილი კვოტის ფარგლებში პროგრამულ დაფინანსებას კონკურსის წესით მიიღებენ ხელოვნების უნივერსიტეტში ჩარიცხული სტუდენტები, რომლებმაც შემოქმედებით ტურში/ტურებში მიიღეს 81 და მეტი ქულა.

2. სტუდენტი ვერ მიიღებს მოპოვებულ პროგრამულ დაფინანსებას თუ:

ა. ბაკალავრიატში სწავლის პერიოდში სპეციალობის საგანში ან/და საგნებში მიიღებს 81 ქულაზე ნაკლებს;

ა¹. მაგისტრატურაში სწავლის პერიოდში ნებისმიერ საგანში მიიღებს 81 ქულაზე ნაკლებს;

ბ. სხვა საგანში ან/და საგნებში მიიღებს შეფასებას „ სრულიად არადამაკმაყოფილებელი“;

გ. მობილობით ან ერთიანი ეროვნული გამოცდებით ჩაირიცხება სხვა უმაღლეს საგანმანათლებლო დაწესებულებაში და შეუწყდება ხელოვნების უნივერსიტეტის სტუდენტის სტატუსი.

დ. შიდა მობილობით პროგრამის ან/და კონცენტრაციის შეცვლის შემთხვევაში.

ე. პროგრამული დაფინანსება არ გაიცემა ხელოვნების უნივერსიტეტში ჩარიცხულ უცხოეთის მოქალაქეებზე.

4. გამოთავისუფლებული პროგრამული დაფინანსება გაიცემა:

ა. ბაკალავრიატში იმავე ჯგუფში მყოფ იმ კანდიდატზე, რომელსაც სემესტრულ შეფასებებში სპეციალობის საგნებში აქვს შეფასება 81 და მეტი ქულა, ხოლო სხვა დანარჩენ საგნებში აქვს შეფასება 71 და მეტი ქულა.

ბ. მაგისტრატურაში იმავე ჯგუფში მყოფ იმ კანდიდატზე, რომელსაც სემესტრულ შეფასებებში ყველა საგნებში აქვს შეფასება 81 და მეტი ქულა, ხოლო სხვა დანარჩენ საგნებში აქვს შეფასება 71 და მეტი ქულა.

მუხლი 4. გარდამავალი დებულება

1. „პროგრამული დაფინანსების გაცემის წესის“ მე-3 მუხლის მე-3 პუნქტი არ ვრცელდება ხელოვნების უნივერსიტეტში 2014 წლის 1 იანვრამდე ჩარიცხულ სტუდენტებზე.

მუხლი 5. წესის ამოქმედება

ეს წესი ამოქმედდეს დამტკიცებისთანავე.

სსიპ-ბათუმის ხელოვნების სასწავლო
უნივერსიტეტის წარმომადგენლობითი
საბჭოს 2014 წლის 27 იანვრის № 05-01/02
დადგენილების

დანართი 2

**სპეციალობის საგნების ჩამონათვალი
კონცენტრაციების მიხედვით**

№	საგანამნათლებლო პროგრამის დასახელება	კონცენტრაცია	სპეციალობის საგნები
1	აუდიოვიზუალური ხელოვნება	ტელერეჟისურა	ტელერეჟისორის ოსტატობა
			კომპიუტერული მონტაჟი
			კინო-ტელე ოპერატორის ოსტატობა
		კინორეჟისურა	კინორეჟისორის ოსტატობა
			კინომონტაჟი
			კინო-ტელე ოპერატორის ოსტატობა
2	საშემსრულებლო შემოქმედებითი ხელოვნება	დრამატული თეატრის რეჟისურა	რეჟისორის ოსტატობა
			მსახიობის ოსტატობა
			რეჟისორის ოსტატობა
			მსახიობის ოსტატობა
			თოჯინების ტექნიკა და ტექნოლოგია
		დრამისა და კინოს სამსახიობო	მსახიობის ოსტატობა
			რიტმიკა
			სასცენო მოძრაობა
			სასცენო მეტყველება
			თოჯინების ტექნიკა და ტექნოლოგია
3	დიზაინი	ტექსტილის დიზაინი	ხატვა
			ფერწერა
			ქსოვილის კომპოზიცია
			მუშაობა მასალაში
			ხატვა
		სამოსის დიზაინი	ფერწერა
			ტანსაცმლის კომპოზიცია
			კერვის ტექნიკა, ტექნოლოგია, კონსტრუირება
			ხატვა
			ფერწერა
4	სახვითი ხელოვნება	დაზგური ფერწერა	კომპოზიცია
			მასალაში შესრულება
			კონსტრუირება და ტექნოლოგია
			ხატვა
			ფერწერა
		დაზგური ფერწერის ტექნიკა და ტექნოლოგია	ფერწერის კომპოზიცია
			სცენოგრაფია
			ხატვა
		დაზგური გრაფიკა	ფერწერა

			გრაფიკის კომპოზიცია მუშაობა მასალაში პლაკატი ილუსტრაცია
Nº	საგანამნათლებლო პროგრამის დასახელება	კონცენტრაცია	სპეციალობის საგნები
5	არქიტექტურა და დიზაინი	შენობა-ნაგებობათა არქიტექტურა ინტერიერი და დიზაინი	არქიტექტურული გეგმარების საფუძვლები მხაზელობითი გეომეტრია, პერსპექტივა არქიტექტურული გეგმარება არქიტექტურული გეგმარების საფუძვლები მხაზელობითი გეომეტრია, პერსპექტივა ინტერიერის კომპოზიცია
6	საშემსრულებლო ხელოვნება	ფორტეპიანო აკადემიური სიმღერა საორკესტრო	სპეციალობა საკონცერტმასტრერო კლასი კამერული ანსამბლის კლასი საფორტეპიანო დუეტი სპეციალობა კამერული სიმღერა ვოკალური ანსამბლი საოპერო კლასი საოპერო სტუდია სოლფეჯიო საოპერო გუნდი სპეციალობა კამერული ანსამბლი საკვარტეტო კლასი/სასულე ინსტრუმენტების ანსამბლი საორკესტრო კლასი
7	სამუსიკო ხელოვნება	აკადემიური გუნდის დირიჟორობა მუსიკის თეორია	სპეციალობა საგუნდო კლასი და გუნდთან მუშაობა საგუნდო პარტიტურის კითხვა სოლფეჯიო სპეციალობა სოლფეჯიო ჰარმონია მუსიკალური ფორმის ანალიზი პოლიფონია მუსიკის ისტორია ქართული მუსიკის ისტორია ქართული ხალხური მუს. შემოქმედება